

MASENO 2025 KCSE PREDICTION



CONFIDENTIAL EXAM

102/3

KISWAHILI

KARATASI YA 3

FASIHI

MUDA: SAA 2½



JINA.....

SHULE..... SAHIHI.....

NAMBARI YA USAJILI..... MKONDO.....

Cheti cha Kuhitimu Kisomo cha Sekondari (KCSE)

MAAGIZO:

- a) Jibu maswali manne pekee.
- b) Swali la kwanza ni la lazima.
- c) Maswali hayo mengine matatu yachaguliwe kutoka sehemu nne zilizobaki; yaani; Riwaya, Ushairi, Hadithi Fupi na Fasihi Simulizi.
- d) Usijibu maswali mawili kutoka sehemu moja.
- e) Majibu yote lazima yaandikwe kwa lugha ya Kiswahili

KWA MATUMIZI YA MTAHINI PEKEE.

Swali	Upeo	Alama
1	20	
	20	
	20	
	20	
Jumla	80	

SEHEMU A: RIWAYA

Clara Momanyi: *Nguu za Jadi*

1. Lazima

- i. “Kuna waliomwita mnyakuzi huku wengine wakimwita dudumizi kwani alinyemelea viota vya wengine. Hajengi bali hubomoa.”
- a) Jadili sifa **nne** za anayerejelewa katika dondoo. (alama 4)
- ii. “Karibu mwenzangu. Subiri nikuletee kikombe cha chai”
- “Hata usilete, sin a hamu ya chai mwenzangu. Nina machungu moyoni. Ndiposa nimekuja unisaidie kuyapanguza ... kuyamaliza hutaweza.”
- a) Weka dondoo hili katika muktadha wake. (alama 4)
- b) Fafanua umuhimu wa msemaji wa **maneno yaliyokolezwa** katika kuendeleza ploti kwenye riwaya *Nguu za Jadi*. (alama 4)
- c) Eleza machungu ambayo msemaji wa maneno yaliyokolezwa anayo moyoni, ambayo angependa asaidiwe kuyapanguza katika riwaya *Nguu za Jadi*. (alama 4)
- d) Jadili mbinu ambazo Mtemi Lesulia alizitumia kubakia uongozini ukirejelea riwaya *Nguu za Jadi*. (alama 4)

SEHEMU B: TAMTHILIA

Timothy Arege: *Bembea ya Maisha*

Jibu swali la 2 au la 3.

2. “Haikuwa mara moja mnavyofikiria. Ilianza pale chuoni. Wenzangu walinipa mvinyo kunirai kuonja ulevi.”
- a) Eleza muktadha wa maneno haya. (alama 4)
- b) Kwa hoja **nne**, onyesha athari ya ulevi katika maisha ya mzungumzaji. (alama 4)
- c) Onyesha umuhimu **sita** wa mandhari ya dondoo hili. (alama 6)
- d) Mzungumzaji ameendeleza maudhui ya mabadiliko. Thibitisha ukirejelea tamthilia *Bembea ya Maisha*. (alama 6)
3. “Mtu ana ubaguzi kama nini! Ana moyo mgumu kama jiwe! Amejaliwa lakini bahili kama mchanga wa dhahabu. Hajui mali ya bahili huliwa na wadudu.”
- a) Bainisha mbinu **nne** za kimtindo zilizotumiwa katika dondoo. (alama 4)
- b) Mzungumzaji anaashiria kwamba anayerejelewa alikuwa mchoyo. Onyesha kina cha kauli hii ukirejelea tamthilia *Bembea ya Maisha*. (alama 6)
- c) Jadili jinsi maudhui yafuatayo yalivyoshughulikiwa katika tamthilia *Bembea ya Maisha*. (alama 10)
- i. Usasa
- ii. Taasubi ya kiume

SEHEMU C: HADITHI FUPI

D.W. Lutomia na Phibbian Muthama (wah.): *Mapambazuko ya Machweo na Hadithi Nyingine*
Jibu swali la 4 au 5

Yussuf Shoka Hamad: *Mzimu wa Kipwerere*

4. “Katika kijiji hiki kuvuta kileo chochote aina ya tumbaku kulikuwa marufuku na kungeweza kugharimu hata maisha ya mtu. Vilevile, kubwia unga na hata kunywa pombe yalikuwa makosa ya jinai ingawa pamoja na juhudi zote hizi kuzuia dawa kama hizi, mji wa watawa uliongoza kwa uingizaji, usambazaji na hata utumiaji wa vileo na dawa za kulevywa, ukizingatia kuwa mambo yote haya yalikuwa yamepigwa marufuku na mzimu na yalimlazimu kila mtu kuyazingatia. ... hayakuwa maswali rahisi kujibika si kwa sisi tu wahenga, bali hata mzimu wetu bila shaka haukuwa na jibu!”

a) Fafanua muktadha wa dondoo hili.

(alama 4)

b) Dondoo hili limetawaliwa na mbinu **moja kuu** ya kimtindo. Itaje na uithibitishe. **alama 2)**

c) Kwa hoja mwafaka, eleza jinsi suala la unafiki linavyojitokeza kwenye dondoo hili na katika hadithi nzima ya *Mzimu wa Kipwerere*.

(alama 9)

d) Bainisha toni inayojitokeza katika dondoo hili.

(alama 2)

e) Fafanua vigezo **vitatu** unavyoweza kuzingatia katika kutambua sifa za wahusika kwenye hadithi *Mzimu wa Kipwerere*.

(alama 3)

Mzamane Nhlapo: *Nipe Nafasi*

5. “Jamii na serikali zinatunyima sisi wanawake uhuru...Kabla sijafa, nataka kwanza niwe nimepata nafasi ya kuyaboresha maisha yangu na yale ya wanangu.”

a) i. Taja asasi **mbili** za jamii zinazotumiwa kuwakandamiza wanawake.

(alama 2)

ii. Huku ukirejelea hadithi ya *Nipe Nafasi*, fafanua jinsi jamii na serikali zimewanyima wanawake uhuru.

(alama 7)

iii. Jadili juhudi **tano** za mzungumzaji katika kuyaboresha maisha yake na maisha ya wanawe ukirejelea hadithi *Nipe Nafasi*.

(alama 5)

Paul Ngángá Mutua: *Harubu ya Maisha*

b) “Mwenyewe wajua mimi sipendi mambo ya kukopa. Isitoshe mimi nimekuja hapa likizo. Sasa zimekatika wiki mbili nawe huyo na kazi tu.”

Fafanua umuhimu **sita** wa mzungumzaji wa maneno haya katika kuijenga hadithi *Harubu ya Maisha*.

(alama 6)

SEHEMU D: USHAIRI

Jibu swali la 6 au 7

6. *Soma shairi lifuatalo kisha ujibu maswali.*

Pana haja ya kupima, neno tuzowele –angu

Tusizowee kusema, hili ni teuo langu

Huenda huji mapema, -angu huja kuwa tungu

Ikaja kukusakama, na kukuposha kwa Mungu

Pana haja ya kupima.

Neno huwa ni la kwako, likiwa ndani moyoni
Lakini katu si lako, likishavuka menoni
Kwa hivyo likutokako, liweke kwenye mizani
Linaweza kuwa cheko, ama tusi kwa wendani
Pana haja ya kupima.

Vivyo hivyo kwa lebasi, huwa yako kisutuni
Hivyo nina wasiwasi, wambe yako sebuleni
Itavutiya matusi, ya wenzio insane
Wakakuchoma nafusi, kwa mishale ya lisani
Pana haja ya kupima.

Mwana ujuwe ni wako, punje ukiimezele
Lakini katu si wako, nde ukimuletele
Akiwa yu ndani yako, ni wa duniya vivile
Ukishishilia ni wako, muavye takakuole
Pana haja ya kupima.

Maisha nayo si wako, utabaradi milele
Ungayaishi ja yako, ni tunu ya maumbile
Mgawa si kufu yako, mshindane hili lile
Akupapo akupoko, utaishi palepale
Pana haja ya kupima.

Ni chetu chako si chako, ulimwengu huwa vile
Juhudi zingawa zako, wa kufaidi ni wale
Ikifika siku yako, nyono zikukae mbele
Ulichosema ni chako, huwabakiya wawale
Pana haja ya kupima.

Kaseme na moyo wako, Ubaini haya yale
Ukiambacho ni chako, kisikupe mageule
Kitu utajacho chako, huenda kiwe cha wale
Na usemacho si chako, kiwe chako ndicho kile
Pana haja ya kupima.

Maswali

a) Fafanua dhamira ya mwandishi wa shairi hili.

(alama 2)

b) Pambanua bahari zozote **tatu** za shairi hili.

(alama 3)

c) Dhihirisha kwa kutoa mifano matumizi ya uhuru wa mshairi.

(alama 6)

d) Tambua toni inayojitokeza kwenye shairi hili.

(alama 2)

e) Andika ubeti wa **nne** kwa lugha tutumbi.

(alama 4)

f) Eleza maana ya maneno haya kama yalivyotumika katika shairi .

(alama 2)

i. Lebasi

ii. Punje ukiimezele

7. *Soma shairi lifuatalo kisha ujibu maswali*

Daima alfajiri na mapema

Hunipita na jembe na kotama

Katika njia iendayo kondeni

Kama walivyofanya babuze zamani

Nimuonapo huwa anatabasamu

Kama mtu aliye na kubwa hamu

Kushika mpini na kutokwa na jasho

Ili kujikimu kupata malisho.

Anapotembea anasikiliza

Videge vya anga vinavyotumbwiza

Utadhani huwa vimemngojea

Kwa usiku kucha kuja kumwimbia;

Pia pepo baridi kumpepea

Rihi ya maua zikimletea

Nao umande kumbusu miguu

Na miti yote hujipinda migongo;

Kumpapasa, kumtoa matongo;

Na yeye kuendelea kwa furaha

Kuliko yeyote ninayemjua

Akicheka ha ha ha ha ha ha...

Na mimi hubaki nikijiuliza

Kuna siri gani inamliwaza?

Au ni kujua au kutokujua?

Furaha ya mtu ni furaha gani?

Katika dunia inayomhini?

Ukali wa jua wamnyima zao.

Soko la dunia lamkaba koo;

Dini za kudhani zamsonga roho

Anayalimia matumbo ya waroho

Kuna jao gani linamridhisha?

Laiti angalijua, laiti angalijua!

Maswali

- a) Fafanua hali ya mzungumzaji katika shairi hili.
(alama 5)
- b) Tambua aina **tatu** za taswira zinazojitokeza katika ubeti wa pili wa shairi hili. (alama 3)
- c) Bainisha nafsi neni katika shairi hili.
(alama 1)
- d) Eleza toni ya shairi hili.
(alama 1)
- e) Bainisha vipengele **vinne** vya kimtindo katika shairi hili. (alama 4)
- f) Pambanua muundo wa shairi hili.
(alama 4)
- g) Tathmini umuhimu wa maswali balagha katika shairi hili. (alama 2)

SEHEMU E: FASIHI SIMULIZI

8. *Soma utumgo ufuatao kisha ujibu maswali yanayofuata*

Walikuja mahasidi, ah, walikuja
Nyayo zao zikirindima, ah, rindima
Kwa ghamidha ya uadui, oh uadui
Wali wakibeba sime
Wali wakibeba mata
Wali wakibeba mienge
Ya moto kutangazia
Kwao kuwasili

Walikuja kwa ndimi
zilizohimili cheche
matusi kutumwaiya
hawakujua ya kwamba
Mbele ya mhimili huno wetu
Wao wali vipora
Kwenye mlima wa sugu, walituvamia
Aliwakabili mbwene
Mwana wa ngwamba, ee mbwene
Aliwakabili mbwene kwa kitali kikali
Wali wametuteka ja samaki kwenye dema
Wali wamewapukutisha
Wetu mabarobaro
Aliwakabili mbwene
Ee mbene, mwana wa ngwamba
Aliwakabili
Kwa hamasa za ujana
Kwa uchungu wa kuumbuliwa

Wa wetu wana.

Aliwakabili mbene
Nao wakalipiza shambulizi
Kwa kujidai majagina
Walijibwaga uwanjani
Laiti wangelijua wanajikabidhi
Viganjani mwa mbwene
Aliwakabili mbwene , ee
Mwana wa ngwamba, shujaa asoshindwa
Alipigana kitali
Cha kufa na kupona
Kuiopoa jamii yetu kuirejesha hadhi yetu
Kuirejesha mifugo yetu
Kuwarejeshea wakulima vikataa vyao
Kuwaokoa vipusa wetu
Nyara waliotekwa, ati walipiza kisasi
Aliwakabili mwana wa ngwamba
Aliwakabili upepo wa kusi
Hata kikomo cha mapambano kilipofika
Wagundi walijua kwamba
Walikuwa na mwana, ee mwana
Mbwene, ee mwana wa ngwamba
Hakuwa na kifani, ee kifani
Alipigana nao, ee mwana wa ngwamba
Kwa siku kumi bila tonge wala tone la maji
Kwetu kukenda kicheko cha wokovu
Kwao kukenda kilio

Maswali

- a) Huu ni wimbo wa sifa. Thibitisha kwa kutolea mifano **mitatu** kifunguni. (alama 3)
- b) Bainisha sifa **tatu** za jamii ya nafsineni katika utungo huu.
(alama 3)
- c) Huku ukitolea mifano, bainisha vipengele **vinne** vya kimtindo ambavyo nafsineni ametumia kufanikisha uwasilishaji wa utungo huu.
(alama 4)
- d) Tungo za aina hii zinaendelea kufifia katika jamii yako. Fafanua hatua **nne** utakazochukua ili kuishawishi dhidi ya hali hii. (alama 4)
- e) Jadili mbinu zinazoweza kutumiwa kukusanya na kuhifadhi data kuhusu vitanzandimi.

(alama 4)

f) Fafanua njia **mbili** ambazo kwazo msikilizaji anaweza kuchangia katika uwasilishaji wa kipera hiki.

(alama 2)

HUU NDIO UKURASA WA MWISHO